

Na osnovu člana 22. Statuta Agencije za privatizaciju u Federaciji BiH – Prečišćeni tekst („Službene novine Federacije BiH“, broj 76/15, 35/18 i 41/18), a skladu sa Odlukom o davanju saglasnosti za prodaju imovine iskazane u pasivnom podbilansu („Službene novine Federacije BiH“, broj 63/12), donose se:

**PRAVILA AUKECIJE
ZA PRODAJU IMOVINE IZ PASIVNOG PODBILANSA PRIVREDNIH DRUŠTAVA
„PRETIS“ D.D. VOGOŠĆA I „UNIS PRETIS“ D.O.O. VOGOŠĆA U BEOGRADU
R. SRBIJA TERAZIJE 27**

- (1) Aukcija** je prodaja predmeta aukcije putem javnog nadmetanja, gdje je kupac onaj ko ponudi najvišu cijenu.
- (2) Predmet aukcije** je predmet prodaje putem javnog nadmetanja i određen je opisom u Javnom pozivu.
- (3) Učesnik aukcije** je fizička ili pravna osoba koja je u roku određenom u Javnom pozivu poslala prijavu za učešće i uplatila depozit na račun Agencije za privatizaciju u Federaciji BiH.
- (4) Aukcioner** je osoba koja je ovlaštena da vodi aukciju, koji je za tu djelatnost registrovan i posjeduje odgovarajuću dozvolu.
- (5) Aukcijsku komisiju** čine tri člana i zapisničar.

I

Pravo učešća na aukciji imaju sve fizičke i pravne osobe koje su podnijele prijavu za učešće u roku predviđenom u javnom pozivu i koje su platile propisani depozit, odnosno, osobe koje su opunomoćene od učesnika aukcije (punomoć sačinjena kod notara/javnog bilježnika).

Dva sata prije početka aukcije svi učesnici aukcije dužni su se registrovati u prostorijama Agencije za privatizaciju u Federaciji BiH u ulici Maršala Tita br.7/II. Učesnici će potvrditi učešće vlastoručnim potpisom, ostaviti identifikacijski dokument (lična karta, pasoš) i dobiti aukcijsku karticu.

Učesnik aukcije je dužan uplatiti prilikom registracije i naknadu za učešće na aukciji u iznosu od 200 KM, koja se ne vraća učesnicima aukcije.

II

Aukcija će se održati ukoliko ima prijavljen najmanje jedan učesnik aukcije. Nadmetanje počinje kada jedan od učesnika na poziv aukcionera ponudi početnu cijenu iz javnog poziva.

III

Aukcija se provodi bez prekida u kontinuitetu do okončanja aukcijskog postupka.

IV

Ponuda se daje isticanjem aukcijske kartice.

Ukoliko je istaknuta ponuda na početnu cijenu, aukcioner konstatuje ponudu i broj aukcijske kartice ponuđača i povećava cijenu za 10%, zaokruženo na novu slijedeću višu stotinu.

Aukcioner nastavlja povećavati cijenu sve dok učesnici ističu ponude. Za slučaj da dva ili više učesnika istovremeno istaknu ponudu, prednost ima ona ponuda koju prvu konstatuje aukcioner uzvikivanjem broja aukcijske kartice.

Ukoliko ni nakon trećeg poziva od isticanja posljednje ponude aukcioner ne postigne povećanu cijenu, aukcioner će proglasiti pobjednikom aukcije posljednjeg ponuđača.

Ukoliko nakon trećeg poziva aukcionera niko od učesnika ne ponudi početnu cijenu iz javnog poziva, aukcioner će proglasiti aukciju neuspjelim i završenom. U tom slučaju učesnici nemaju pravo na povrat depozita.

V

Po završenoj aukciji sačinjava se zapisnik koji potpisuje komisija i pobjednik aukcije. Pobjednik aukcije će u roku od 3 (tri) dana nakon aukcije potpisati predugovor u protivnom nema pravo na povrat uplaćenog depozita. Pobjednik aukcije je dužan u roku od 15 (petnaest dana) od dana održavanja aukcije pred javnim bilježnikom u Republici Srbiji zaključiti kupoprodajni ugovor.

Depoziti ostalih učesnika aukcije bit će vraćeni beskamratno u roku od osam dana od dana održavanja aukcije.

VI

Pod narušavanjem aukcije podrazumjeva se:

- isticanje ponuda bez podizanja aukcijske kartice,
- ometanje aukcionera,
- ometanje drugih učesnika aukcije.

Za narušavanje pravila aukcije, aukcioner ima pravo:

- izreći javnu opomenu učesniku aukcije, isključiti učesnika sa aukcije i oduzeti učesniku aukcijsku karticu.

Isključeni učesnici aukcije imaju pravo na povrat depozita, ali nemaju pravo na povrat naknade za učešće na aukciji.

Broj: 03-15-181/20
Sarajevo: 18.02.2020.

